



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Annus Cisterciensis


In quo Pia, Et Brevi Apostrophe proponuntur Veneranda, & Imitanda Gesta  
præcipua, & eximiæ Virtutes Sanctorum ac Beatorum utriusque sexûs  
Ejusdem Sacri, Et Ab Origine Sua Exempti Ordinis

**Meglinger, Joseph**

**[S.l.], Anno MDCLXXXIII.**

21. Augusti. 12. Cal. Septemb.

**urn:nbn:de:hbz:466:1-45314**



21. Augusti. 12. Cal. Septemb.

Alterâ hâc die te, Pater sanctissime, venerabor ut

MARIÆ DEIPARÆ  
CLIENTEM INTIMUM.

*vide 13.*  
*Maÿ.* SI lingua mea illo Lacte maderet,  
quo te M A R I A, Matrem se monstratura potavit, altius aliquid Cliente proferret. Sed magnæ Matris oraculo standum est. Cùm enim Spiræ ad salutationem piissimam, *Salve Regina,* à te ( ut multi non dubitant ) inveniam, devotam illam clausulam addidisses: *O Clemens, ó pia, ó dulcis virgo Maria:* ex ejusdem Icone, audiente omni populo, dulcis echo insonuit, *Salve Bernarde.* Filium te appellasset, nisi Ubera Virginea, & Materni cordis amorem, tam Unigenito suo, quàm clientibus vellet esse communia. Quale autem nomen inveniam summæ dignationi, quâ Virgo sacratissima totius universi pretium, & unicas delicias suas, in sinu tuo disfluviandas non semel tantùm reposuit? Porrò si quis amoris istius argumenta clariora desiderat; scriptorum tuorum mella degustet: ex quibus nisi cor suum sentiat in  
amorem

11770

1146.

amorem MARIÆ liquefcere, definat  
 credere, fe effe hominem. Transfiliat  
 tamen ftudiosus lector lamentabilem  
 MARIÆ Lamentationem: quisquis  
 enim mellifluum nomen tuum illi fer-  
 moni præfixit, ftupiditatem potiùs fu-  
 am, quàm BERNARDUM, lectori  
 propofuit. Epiftolam deinde ad Can. Epift.  
 Lugdun. legat cum fale. Præponit illa 174.  
 Ecclefiæ iudicium (an non meritò?) im-  
 maturæ quorundam, & quid coleret  
 ignaræ devotioni: Honor, ais, Reginæ ju-  
 dicitum diligit, virgo regia falfo non eget  
 honore, veris cumulatâ honorum titulis,  
 infulis dignitatibus &c. Exceretur deni- v. Ep.  
 que infanum illum chamæleontem, 298. ad  
 Nicolaum (quo ad fcribendas epifto- Eugen.  
 las aliquamdiu ufus fueras) conantem  
 impudenti mendacio maculam gloriæ  
 tuæ afpergere, quam nescio quis fom-  
 nians in tuo jam in cœlis beati pectro-  
 re viderit, indelebile futuram suppli-  
 cium; quòd Virgineæ Matris Concep-  
 tionem non docueris ab omni macula  
 fuiſſe immunem. In barathro quæ-  
 rendæ ſunt ignominia, non in cœlo;  
 ubi à liquidiffima puritate divini lu-  
 minis abſorpta omnia, unumque cum  
 DEO, maculam ferre non poſſunt, ni-  
 ſi furore impio illa ſimul ſupremo Nu-  
 mini affingatur. Ego te melius aſpicio  
 febrî

vide  
 Bellar.  
 de ſcrip-  
 tor. Ec.

v. Ep.  
 298. ad  
 Eugen.

Fabula  
 inſulſa  
 de S. B.

febri decumbentem, & Salutem infirmorum MARIAM, comitantibus SS. Benedicto, & Laurentio, porrectâ medicâ manu te à languore liberantem:

Amor  
erga B.  
V.

*Simulque per utriusq; amores rogo, ut me gravissimè languidum, illius miserationi commendes. Doce me illam tuo amore amare, quemadmodum ex Conversis tuis aliquem in fide dubium, jussisti tua fide ad S. Eucharistiam ingenti suo profectu accedere.*

Obijt

anno

1141.

Vani-  
tati de-  
dita:

Fratres  
invisit:

B. HUMBELINA, unica soror & cura ultima BERNARDI: quæ post Tesselini parentis obitum nobili viro nupta, quàm virili animo germani fratres mundi vanitates calcaverant, tam foemineo tu iis inhærebas. Multa de Clarævallis sanctimonia inaudieras, sed visui hætenus incomperta. Itaq; quantum desiperent illi orbis exules, ex opposito demonstratura, omnem mundi muliebris fastum induta Claravallensem petiisti. At longè aliter cecidit hujus belli alea: cùm te in primis Andreas ad monasterii portam, suæ custodiæ mandatam, non jam sororem, sed stercus pretiosè involutum, & rete diaboli salutaret; sanctus Abbas ne conspectu quidem dignaretur: donec te consiliis ejus parituram non solum verbis, sed multis etiam lacrymis promisisti.

promisisti. Tum denique ad te descen-  
dens, solâ præsentia efficacissimè per-  
suasit, quod erat suafurus. Eum namq;  
olim è paterna domo discedentem vi-  
debas elegantis formæ juvenem; tunc  
verò penè vivum cadaver. Cùm dein  
ille de hujus vitæ brevitate, quam se-  
quitur immensa æternitas, differeret:  
arduam ad cœlos viam per spinas, non  
voluptatum rosas aperiri: ipsum DEI  
Filiû in Crucis, non plumarum le-  
stulo mortem elegisse: jam ipsa opta-  
bas exesi vultûs pallorem, quem antè  
in germano horrueras. Matris deniq;  
vivam ita tibi reficavit memoriam:  
ut heroicæ illius virtutes statim in te  
cum omnium admiratione reluxerint.  
Illico abjecta vestium pompa: & au-  
rum in hæc superbix irritamenta pro-  
digi solitum, pauperes omne aufere-  
bant. Tempus, quod antè lusui, jocis,  
choræis, diu noctûque precibus, & sa-  
cræ lectioni datum. Tam piam meta-  
morphosin veneratus tandem & ipse  
maritus, ultrò te ad monasterium Ju-  
lejum, vel ut alii vocant, Villetum di-  
mittit: quod brevè in alteram Claram-  
vallem convertisti; prima, quæ obser-  
vantiam Cisterciensem (ut vero simil-  
limum est) foeminis tradidit; cùm an-  
te hac simpliciter Divi Benedicti legi-  
bus sub

*S. Ber-  
nardi  
præsen-  
tia, &  
collo-  
quio in  
aliam  
mutata*

*matris  
virtu-  
tes imi-  
tatur.*

*Monas-  
terio se  
inclu-  
dit.*

bus sub directione Molismi illæ moniales vixissent; quod ex obitu tuo manifestè conjicitur. Postquam enim per viginti annos austeritate affligendæ carnis, humillima infra omnes abjecti-  
 one, assiduitate in diurnis nocturnisque; precibus, vivam fraternæ sanctitatis imaginem expressisti; imminentem ex fatali ægritudine mortem prævidens, id periculum quantocyùs intimari iussisti BERNARDO: qui promptè reliquos germanos adducens, suavissimo verborum suorum nectare fugientem animam ad eò revocavit, ut securi de illius noctis periculo ad quiescendum omnes secesserint, relicto uno Petro, emerito sene Molismensi, qui cœnobi-  
 o Villetano multis jam annis ad conscientiæ moderationem præerat. Sed is fortè ex vigilatis aliquot noctibus lassus, pedem cubili extulerat. Cùm attonito Angelus occurrit, monetque, ut ad te mox morituram sine mora revertatur; se inter eà etiam reliquos vocaturum. His celeriter lectulum circumstantibus, ultimum vale illis psalmi verbis dixisti: *Lætata sum in his, quæ dicta sunt mihi, in domum Domini ibimus.* Atque ut germani quoque tecum de felicitate tua lætarentur, statim BERNARDO, quantum sanctissimis illius  
 monitis

Fratri  
 sancti-  
 tatem  
 affecu-  
 ta:

sanctè  
 mori-  
 tur.

monitis deberes, gloriosa apparitione ostendisti. *Ita nempe certissimum est, de quo ipsemet sanctissimus Germanus, & in morte præsens Patronus tuus, gloriatur (serm. 22. de divers.) filiorum suorum animas de manibus suis ad caelum evolare liberrimas. Tu meas perfer ad illum preces, & unâ mecum obsecra, ne me in ultimis angustijs meis deserat.*


S. Bernardus  
in moriē-  
tium  
patro-  
nus.

B. HEYDENRICE, Abbas Zede-Floruit lizii in Bohemia: cujus monasterii gubernatio cū nomen tuum effecisset celeberrimum, à Waldsassenibus postulatus, Paternæ domui fuisti præpositus. Hoc tamen clavō non nisi per bimestre retento, ad filios reversus, ultra quadraginta annos in summa sanctitate, & omnium bonorum incremento Abbatiale munus administravisti: Deo scilicet, cui omnia committebas, virtutibus tuis, ut clariùs lacerent, annorum seriem æquante. *Millies deceptam se deprehendit humana suspicientia, que neglectâ Dei providentiâ in fabricatis à se consilijs confidit. Contrarium ut agam, id est, ut in solius Dei verè paterna dispositione quiescam, me doces*

S. BERNARDUS, ser. 5. in vig. Nat.

Crede ergo te Deo, committe te ei, *ja- In Deū fiducia.*  
Et in eum cogitatum tuum, & ipse te  
enutriet

enutriet: ut fiducialiter, & fideliter  
 dicas: Dominus sollicitus est mei: neq;  
 enim hoc sapiunt homines amantes  
 seipsos, homines scioli, & solliciti pro  
 seipsis, curam carnis persicientes in  
 desiderijs.



22. Augusti. II. Cal. Septemb.

*Vix  
 habet  
 in hoc  
 genere  
 sibi pa-  
 rem.*

**T**ertia hac die triplicem triumphum  
 tuum ex ter gemino hoste confide-  
 rans, te, fortissime athleta BERNAR-  
 DE, in primis suspicio

**TERROREM DÆMO-  
 NUM.**

*Circa  
 annum  
 1130.*

**P**rælusisti huic in principes tenebra-  
 rum imperio quinque annorum pu-  
 erulus: dum pellendo capitis doloi  
 strygem, carmen magicum adhibitu-  
 ram, indignans abegisti; jam tum na-  
 turali quodam impetu superstitionem,  
 velut serpentis antiqui foetum, execra-  
 tus. Sed sponte agnovit hoc domini-  
 um malignus: ad te enim cum duæ  
 foeminae ducerentur, ab infessoribus  
 infernalibus liberandæ: in ipso itinere  
 hospitium suum alter deseruit; fallus,  
 nequicquam se tuæ potestati resistere,  
 quem